

傳氏眼科審視瑤函

審視瑤函序

成周建官三百六十而燮理奏功分
寄醫師尹副以逮上士下士職掌聖
為明聽之司若是乎耳自股肱之
未敢輕畀也故其時分猷者或肘
挽鐵鏡以建勛考成者或胸貯金匱
而宣化至玉鉉鼎彝之權惟醫師與

良相並峙持欬休哉補天煉石浴日調
元洵各有天授焉匪其人不得而遇也仁
宇傳君以慈祥臆擅龍本集名聞諸
侯惠濟蒼赤擴億丈大光明藏現大
醫王身而為說法七神揚已三稽紫
霄而驟烏龍已然且秉耒鞭救匍匐
戲靈霧務而耀明旦刀圭之積功廉以加

已式於家則見齋心教暑茹蔬戒侈
疑疑龐居士也式於閭則見瞿曇檀
果香芬稱檀油許允度式於都
則見儉惠良稷寒施穢穢藹傳大
士也而矧婆心厪熱佛手療人令昏
瞶顛危者仰撫摩而躋春老也余甯
能更僕哉已已余病自謫歸借憇

秣陵徧訪長素而不得其人也閔郊
月獲觀傳君授余上池而霍然蘇豁
然瞭也因喟然嘉歎久之豈萬仙搗
藥鳥猶作丁、杵春聲將醉卧紫
金牀頭拉伯陽叅同激煉一洗羊豕
徇鼠廓輪波渤為勇鬼夜魔踢開
許大寶月輪金光藏醅醕甘露酒

須弥峰頂自在王座者神傳君之謂
欽而君尚遠謝勿敏也老氏云子惟
不矜故能與天下同功顏氏子云無伐
善無施勞君其功圓果滿拔宅冲
舉當不在馬自然徐秋天下而且弓
冶繩武作述一家嗣君維藩館甥文
凱隸職院僚折髓洞筋咸頭雷接武

彬主謝門風雅稱烏衣子弟哉
君仰體家赫景筭中審視瑤函日
批月錄將命剗民而壽諸梨棗烏
乞予一言以公為鴻寶余見二君青出
於藍式穀其似行且列鶴鷺班奉仁
宇之家珍以佐保御而育羣黎異
日漢明弼亮分寄耳目股肱燮悅臨

陽不惟為

朝家慶得人而俾聖為明聽者咸資
哉沃而垂霖澍焉余當誦周官而上
考成也傳君以為然用弁之簡端

寄

崇禎甲申嘉平穀旦

賜進士第通議大夫資治學士都左侍郎

邵蕤翰林院侍讀學士

纂修會典同知

經筵日講官

通家侍生陳鼎頓首拜撰

審視瑤函弁言

素難而後有顯科猶六經而後有子史
也其旨元令人困象而蒐珠其理微令
人碧落而占氣其興沉令人望洋而觀
瀾以故鼎之貴者恒斑駁以徵奇業之
崇者須鞭草以灼膜操一技工一術必
期痛之斲輪庖之批竅致精造極而稱

絕藝謂必求之桐君秦越之壇庶幾幸
遇其人而不意仁宇傳君一快觀之君
舌則蓮品則仙道濟博施則眉山子瞻
不佞承乏院署初物色於鳳臺鷺渚把
臂營譚而使我喜不能寐也喟然歎曰
世有碩德長者傳君若而人與之聯駟
承明出其補天鴻勳浴日月而溥乾坤

復何事之難濟爲君槃阿興泌一衲一
瓢脩然自足將營菟裘而壺隱焉餌施
昏瞽而不尸功澤漉閭黨而不任德心
齋詖庭幃而守之若維摩檀施泐耆闍
而奉之若鳩摩藹藹乎與物同春利之
而不庸脊脊乎與時分憂習勤而勿縈
且燕貽承芳道光繼志上自克家次迨

義方箕裘式穀聿啟象賢若萬石君家
不言而躬行君備有焉語云不知其系
視其教長公維藩同事僚契坦甥文凱
美秀而文矧淑慎爾止接踵聯璧若驚
鷺之軼雞羣行將展六翮而搏南溟天
祚明德有開必先其佑積慶而錫之令
終者詎鮮券哉歲甲申君家枕中之秘

審視瑤函就帙而丐正不佞余矢隻語
以勸之曰珍之獨曷若寶之衆私而家
曷若公而國君請梓諸仁宇遂踴躍摩
頂拈花襲香向大士如來壇前一發宏
誓以審視瑤函廣鋟薛濤牋端永爲三
千大千琉璃震旦普渡一切千手千眼
不住聲色香味觸法施之是舉也不佞

何敢夷瑤函爲一門筏渡直尊爲海岸
慈航可矣是爲序 昔

崇禎甲申菊月穀旦

中議大夫資治尹加光祿寺少卿仍掌太
醫院院使事通家友弟陸彬頓首拜撰

目受五臟六腑之精華若日月麗天而不可掩右陰
左陽涵光毓采吐榮浴淵胸膈迭行坎離失度羶膈
錯經焚理不齊民病爲殃人開卷了然至於五臟主
病五行附麗五音分導五方風氣浸淫爲厲各有專
司安事拼贅是函授自烈祖奕葉鑽研經歷三十餘
載復訪名公宗匠講究印可廣購藏書禁方芟繁輯
簡間有立論堪採而主方雷同有單方擅譽而症候
不明者添類雖工效輟知陋槩不敢載。

一五輪八廓各分攸司象形取義腑臟部署若分星布

間不容髮俗僅得其皮毛茲盡蒐其精奧按經辨症
補瀉得宜先巡輪廓之變隨察受病之源主客逆順
毫釐千里關謬辨誤。亥永晰分庶迷覽者可按圖而
索駿施治者不致罔象而探蠶爾。

一歷來醫案自漢華元化獨振元首倪仲賢集金玉大
成以及四大名家龍木論若七十二家各樹幟壇坫
迭奏宮商抑稱鈞天異響哉然有效臻獨得而瑕不
言疵理由辨獲而迥別青黃者出朱入墨鶴鶩難分
不載

治法分門迥若雲泥陰陽變換具有權衡不察司天

無以辨六氣五運之極不驗經絡無以審內外三因之候不參奇經無以證七情六淫之氣虎訣雖存鴈眸雖別是函翼經宣化循法審因取原機啟微爲鵠輔以諸家鴻論證驗天行贊理時氣綱領條目珠聯繡錯庶迎刃以解入彀而中鬴備載

一用藥寒熱猶用兵虛實確有主見非空拳射覆隔靴搔癢者比也灼其受病於某經主痺於某絡病因於某部感觸於某候宜溫宜涼內外表裏一以貫之若不揣其本而治其末宜熱而反以寒伏之宜寒而反以熱熾之乃圭逆施壞瓦斲倒置鮮不旋踵而愆之殃

者可不慎哉

一湯劑丸散藥味用雖不同而治法亦異有宜丸者宜散者宜水漬者宜膏煎者亦有一物兼宜者亦有不
可入湯酒者並隨藥性湯者煎也去大病用之散者
散也其急病用之丸者緩也不能速去之舒緩而治
之也丸散分兩可多可少若到爲劑必須七錢至八
錢以爲中正羸弱者五六錢爲劑壯盛者必須兩餘
方得其效少則藥力不足多則不勝藥勢

一製法必須極工用藥料須擇道地若不揀擇精良以
爲抵竄徒費工力何能取效如炮煨者以整藥入於

灰火中或用麵裹濕紙重裹炮令藥上有烈紋者方熟。附子南星豆蔻之類是也。炙者以整藥塗蜜或姜汁酥油童便酒漿等物塗浸於藥上用炭火炙令香熟得宜。黃芪厚朴甘草皂莢龜板鱉甲之類是也。煨者以整藥入在炭火中穩定燒熟爲度。牡蠣石決明石膏蘆甘磁石之類。或用水醋童便淬飛是也。焙者以綿紙隔藥火烘令香脆。天麥門冬葶藶石棗之類是也。炒者以銀鍋砂鍋內炒令香脆得宜。勿令焦枯過失藥性。若煉蜜者每一斤只煉十二兩五錢爲定。火少火過並不相宜。

一開導猶鏡而拭塵而金底抽薪也。寶鏡玄機陽秋鏡不啻家論而戶曉之。至撥雲覩日掃靈見天稱能手者。則罕觀焉。是兩本自家休。珍踰百朋。蓋垂掌而味溫黃芽。凝眸而香霏絳雪者。則旬經年。俄頃建績匪侈。口乳石而烹烏煉兔者。類也。宜載。

一古人治目。凡藥力遲緩。不能急速取効者。則用針刺以濟其急。然醫者必須熟明經絡。症之穴真。無不應手取効。但今人去古已遠。一聞針灸。心懷怯懼。是以醫心懈怠。鮮工於此耳。孰知其取効敏捷。大起沉疴。善用之者。靡不有驗。其治疾也。豈曰小補云爾哉。

篇立論汗牛充棟非炫名以逐利則市惠而弋利
求卮言之中乎歎而灼見筋膜者蓋什未有一矣是
固堅白孤鳴而理必晰於粹精按經攷古而症不遺
手險怪列部分門鑽骨折髓審輪定廓察色觀形開
卷瞭然灼如觀炬較目寶論益詳散金碎玉篇愈著
令見者洞心而繫壁分光焉或亦持顛扶危之一助
云爾備載。

一立方施症。研古敲今。歷有成論。匪臆造測度漫焉嘗
試者同也。昔人載一百六十症。則失之濫。上古著七
十二症。則失之簡。是固猶要刪繁。纖鉅各當定爲一

百有八症。破蒙牖腎。開豁茅塞。務令陰陽之縷。晰標本之攸分。內外表裏之條貫。虛實逆順之各殊。鑒形辨色。以驗其因。按候察部。以鏡其要。若夫智圓行方。化裁酌量。活活潑潑。時措咸宜。我不執方。方必符症。症自合方。隨方隨效。神而明之。在乎其人。不遇其人。方不虛傳。高遠之士。盍請鑒諸。

復慧子維藩氏

傅氏眼科審視瑤函總目

卷之一

凡例十二條

前賢醫案

五臟所司兼五行所屬

動功六字延壽訣

太極陰陽動靜致病例

五輪定位之圖

八廓定位之圖

五輪歌括

五臟主病

八廓歌括

八廓主病

臟腑表裏三陰三陽輪廓貫通

五運之圖

六氣之圖

逐年六氣總論

已上俱載首冊

五輪所屬論

八廓所屬論

五輪不可忽論

勿以八廓爲無用論

目爲至寶論

開導之後宜補論

眼不醫必瞎辨論

點服之藥各有不同問答論

用片得効後宜少用勿用論 鈎割針烙宜戒慎論

棄邪歸正論

用藥寒熱論

用藥生熟各宜論

識病辨症詳明金玉賦

卷之二

目病有三因

診視

目不專重診脉說

目症相同所治用藥不同併
成撫問答

君臣佐使逆從反正說 原機症治十八條

經驗湯劑丸散四十六方

症方備錄卷二首

卷之三

運氣原證 目痛 寒熱 頭痛 眉骨痛 目赤

白痛 白癢 腫脹 外障 目病三十八症

經驗湯劑丸散七十七方

症方備錄卷三首

卷之四

運氣原證 目癆 目疣 漏睛 脾病 姪娠

痘疹 癰疹 疔傷 驚搐 目閉不開

瞋目直視 目直視 目仰視 目劓

目病二十三症

經驗湯劑丸散六十八方 症并方備錄卷四首

卷之五

運氣原證 目昏 妄見 內障 內障根源歌

鍼內障前法歌 鍼內障後法歌

附太玄真人進還睛丸表 金鍼辯義 灸鍼法

用水法 撥內障手法 開鍼三光符咒 封鍼符

封眼法 開內障圖 推逐日按時人神所在當忌

目病三十四症

經驗湯劑丸散七十二方 目症方備錄卷五首

卷之六

運氣原證

目淚

風治

諸因

目病十三症

經驗湯劑丸散四十六方

症方備錄
卷六首

眼科鍼灸治目之要穴形圖

鍼灸避人神論

取十二建人神之忌時

附前賢治目醫案補遺諸方計十八方

點眼藥法

秘製點眼丹藥諸方計八方

敷眼諸藥方計四方

洗眼藥計二方

治眼吹藥計五方

定痛藥計二方

傅氏眼科審視瑤函總目終

前賢醫案

雲麓漫抄云淮南陳吉老儒醫也。有富翁子忽病目視正物皆以爲斜。凡案書席之類排設整齊。必更移令斜。自以爲正。以至書寫尺牘莫不皆然。父母甚憂之。更歷數醫皆不諳其疾。或以吉老告。遂以子往求治。旣診脉後令其父先歸。留其子設樂開宴。酬勸無算。至醉乃罷。扶病者坐橋中。使人舁之高下其手。常令傾倒展轉久之。方令登榻而臥。達旦酒醒。遣之歸家。前日斜視之物皆理正之。父母躍然而喜。且詢治之方。吉老云。令嗣無他疾。醉中嘗臥閃倒肝之一葉搭於肺上。不能下。故視

正物爲斜今復飲之醉則肺脹展轉之間肝亦垂下矣
藥安能治之哉富翁厚爲之酬

九靈山房集云元末四明有呂復別號滄洲翁深於醫道
臨川道士蕭雲泉眼中視物皆倒植請治於復問其因
蕭曰某嘗大醉盡吐所飲酒熟睡至天明遂得此病復
切其脈左關浮促卽告之曰嘗傷酒大吐時上焦反覆
致倒其膽腑故視物皆倒植此不內外因而致內傷者
也法當復吐以正其膽遂以藜蘆瓜蒂爲蠱末用水煎
之使平旦頓服以吐爲度吐畢視物如常

張子和治一年幼子十餘歲目亦多淚衆醫無効子和見

之曰此子自病原爲母腹中被驚得之其父曰孕時在臨清被兵恐令服爪蒂散加鬱金上湧下瀉各去涎末數升人皆歎之曰兒腹中無病何以吐瀉如此至明日瞭然爽明

道山清話云張子顏少卿晚年常目光閃閃然中有白衣人如佛像者子顏信之彌謹乃不食肉不飲酒然體瘠而多病矣一日從汪壽卿求脈壽卿一見大驚不復言但投以大丸數十小丸千餘粒祝曰十日中服之當盡却以示報既如期視所見白衣人變黃而光無所見矣乃欲得肉食又思飲酒又明日黃亦不見覺氣體異他

日矣。乃詣壽卿以告。壽卿曰：吾固知矣。公脾初受病，爲肺所乘。心脾之母也。公旣多疑，心氣不固，自然有所覩。吾以大丸實其脾，小丸補其心肺爲脾之子。旣不能勝其母，其病自愈也。

北夢瑣言曰：有少年苦眩運眼花，常見一鏡子。趙卿診之，曰：來晨以魚鮓奉候。及期延於內，從容久饑，候客退方得攀接。俄而桌上施一甌芥醋，更無他味。少年饑甚，聞芥醋香，徑啜之。逡巡再啜，遂覺胸中豁然，鏡影消無。卿曰：郎君啜眼前魚鮓太多，無芥醋不快。又魚鱗在胸中，所以眼花。故權誑而愈其症也。

丹谿治一老人病目暴不見物。他無所苦。起坐飲食如故。此大虛証也。急煎人參膏二觔。服二日。目方見。一醫與青礬石藥。朱曰。今夜死矣。不悟此病得之氣大虛。不救其虛。而反用礬石。不出此夜必死。果至半夜死。

一少年早起。忽視物不見。熟卧片時。略見而不明。食減甚。倦脉緩大。重按散而無力。意其受濕所致。詢之果卧濕地。半月。遂用蒼朮白朮茯苓黃芪陳皮少佐附子。二十劑而安。

汪石山治一婦。年踰四十。兩目昏昧。咳嗽頭疼。似鳴。若過饑。益甚。醫治以眼科藥。反劇。脈皆細弱。脾脈尤近乎弱。

曰脾虛也五臟六腑之精皆稟受於脾上貫於目脾虛不能輸運臟腑精微歸明於目故目昏腦鳴頭痛之候出矣脾虛則肺金失養故咳嗽形焉醫不補脾養血妄以苦寒治眼是謂治標不治本也遂用參芪各錢半麥門冬貝母各一錢歸身八分陳皮川芎各七分升麻柴胡甘草各五分而安

薛立齋治一男子目瞽兩目緊澁服黃蘗知母之類反劇更加便血此脾傷不能統血輪榮於目然也遂用補中益氣湯送下六味丸而安

給事張禹功目赤不明服驅風散熱之劑反畏明重聽脉

大而虛此山心勞過度思慮傷脾蓋心勞則不能生血脾傷則不能運輸精敗於目也用補中益氣湯加茯神酸棗仁山藥山茱萸遼五味而安後自攝不謹復作益甚用十全大補湯加前藥而復愈

王海藏治一女形肥年將笄時患目或一月或兩月一發每發則紅腫如此者三年服祛風熱藥左目反生頑翳從銳眥起遮瞳人右目亦生翳自下而上潔古云從外走內者少陽也從下而走上者陽明也此少陽陽明二經有積滯也六脉短滑而實輕取則短澀遂用溫白丸減川芎附子三分之一倍加膽草黃連下之服如東垣

痛積丸法。初服二丸。每日加一丸。如至大便利。則每日減一丸。復從二丸加起。忽一日瀉下黑血塊如黑豆大而硬。自此漸愈。翳膜盡去。

樓寧生治一人。過食醋蒜豬肉煎餅。後復飲酒大醉。臥於煖坑。次日瞳神散大。視無定以小爲大。以大爲小。行步踏空。百治不效。予曰。瞳子散大。由食辛熱太過然也。蓋辛主散。熱助火。辛熱乘於腦中。故睛散。睛散則視物無的也。遂用芩連諸寒之藥爲君。歸芍諸甘辛爲臣。五味子酸爲佐。人參甘草天冬地骨皮爲使。柴胡爲肝竅之引。百劑而安。

婦人目睛綠色從下而上病自陽明來綠非正色殆肺
合腎而爲病猶畫家以黑調白合成綠之象乃用瀉肺
腎之藥而以入陽明之藥爲引使。

唐高宗上苦頭重目不能視召侍醫秦鳴鶴診之請刺頭
出血可愈太后不欲上疾愈怒曰此可斬也乃欲於天
于頭刺血上曰但刺之未必不佳乃刺二穴上曰吾目
似明矣后舉手加額曰天賜也自負綵緞百匹以賜鳴
鶴。

安善趙君玉目暴赤腫點洗不退偶思戴人有云凡病在
上者皆宜吐之乃以茶調散湧之一湧而目愈君玉歎

曰。法之妙其效如此。乃知法不遠人。人自遠法也。

孫真人在仁廟朝。治衛才人患眼疼。衆醫不能療。或用涼藥。或用補藥。加之藏府不安。上召孫。孫曰。臣非眼科。罪不全責於臣。

降旨有功無過。孫乃診之。肝脉弦滑。非壅熱也。乃才人年少時。人壯血盛。肝血併不相通。遂問宮人。宮人云。月經已三月不通矣。遂用通經藥。經既通。不日疾愈矣。上賜孫三十萬緡。官人謠曰。神醫不來。雙睛難開。

許學士云。苟牧仲嘗謂子曰。有人視一物爲兩。醫作肝氣盛故。一見爲二。服鴛肝藥皆不驗。此何疾也。子曰。係

人曰靈樞有云目之系上屬於腦後出於頂中邪中於
頭目乘目之虛其入深則隨目系入於腦入於腦則轉
轉則目系急急則目眩以轉邪中其精所中不相比也
則精散精散則視岐故見兩物也令服驅風入腦藥得
愈

丹霞朱僧氏代章宗出家既病三陽畜熱常居靜室不敢
見明明則頭疼如錐每置水於頂上不能解其熱歷諸
醫莫能辨其病後泊之七日而愈其法用汗吐下三法
而已後用涼物清鎮之乎復如故

一女子年十四歲因悲怒先月經不通寒熱脇痛後兩目

生翳青綠色從外至內予謂寒熱脇痛足厥陰之症也
翳從外背起足少陽之證也左關脉弦數按之而澀肝
經風熱兼血滯也遂以加味逍遙散加防風龍膽草四
服而寒熱脇痛頓減用六味九月餘而翳消

一婦人患偏頭痛五七年大便結燥兩目赤腫眩運施之
頭風藥無不服其頭上針灸數千百矣一日戴人診其
脉急數而有力風熱之甚也此頭角痛是三焦相火之
經乃陽明燥金勝也燥金勝肝則肝氣鬱肝氣鬱則
氣血壅氣血壅則上下不通故燥結於裏諫至失明治
以大承氣湯令河水煎二面加芒硝一兩煎成頓令分

三次服下泄如湯二十餘行次服七宣丸神功尤以潤之。菠薐菜猪羊血以滑之三劑之外目豁然首輕燥結頓釋而愈。

婁全善治男子每夜至目珠連眉稜骨痛頭亦半邊腫痛以黃連膏等寒涼點之益疼諸藥不效。炙厥陰少陰痛隨止半日後又作又炙又止月餘遂用夏枯草香附子各二兩甘草四錢共爲末每日中茶清調服錢半下咽疼卽減半七日痊愈。

子和嘗自病目或腫或翳蓋明應澤百餘日不愈忽眼科張仲安云宜刺上星百會攢竹絲空諸穴上血出又以

草莖內兩鼻中出血約升許來日愈大半三日平復如故此熱血壅宜破之之法也。

禹錫云向有崔承元爲官時治一人死罪囚久獄活而出之後囚病目數年服藥全愈以別恙而終一日崔目忽病內障苦極喪明逾年後半夜猶坐歎息時聞階除如蟋蟀之聲崔問爲誰答曰是昔年蒙活出之囚也。今特報恩至此遂以黃連羊肝丸告崔治自言訖不見崔乃依合服不數月其眼復明因傳於世。

觀音光眼咒

出藏經

偈曰

救苦觀世音施我太安樂。賜我大方便。滅我愚痴暗。除却諸障礙。無明諸罪惡。出我眼室中。使我視物光。我今說此偈。洗眼識罪。普放淨光明。願現微妙相。

每日清晨用淨水一碗。持咒一遍。吹氣一口入水。持四十九遍。用水洗眼。能除眼障翳。卽久瞶治之亦可愈也。


晉范甯嘗苦目痛。就張湛求方。湛感之曰。古方宋陽子少得其術。以授魯東門伯。次授左丘明。遂世世相傳。以及漢杜子夏。晉左太冲。凡此諸賢。並有目疾。得此方云。省讀書一減。思慮二事。視內三箇。外觀四。早起晚五。夜早

眠六九。六物。養以神火。下以氣節。蘊於胸中。七日。然後
納諸方寸。修之一時。近能數其日。曉遠能視筆之餘。長
服不已。非但明目。且亦延年。審如是而行。不可謂之嘲
戲。亦奇方也。

五臟所司兼五行所屬

精液之體重濁靜而屬陰

神氣之體輕清動而屬陽



動功六字延壽訣

春噓明目本持肝夏至呵心火自閑秋咽定知金肺潤冬
吹惟要坎中安三焦嚔却除煩熱四字長呼脾化食切忌
出聲開口耳其功尤甚保神丹

心呵頂上連又手舉手則呵
反手則吸

呵則通於心去心家一切熱氣或上攻眼目或面色紅舌
上瘡或口瘡故心爲一身五官之主發號施令能使五
官故上古恬澹虛無真氣從之精神內守病安從來是
以志閒而少欲心安而不懼形勞而不倦也秋冬時常
煖其湧泉不傷於心君素問云是寒傷心是也澄其心

則神自清。火自降。是火降由乎神之清也。心通舌爲舌之官。舌乃心之苗。爲神之舍。又爲血之海。故血少則心神恍惚。夢寐不寧也。冬面紅受尅。故鹽多傷心。血冬七十二日省鹽增苦以養其心也。

肝若噓時目睜睛

噓則通肝。去肝家一切熱聚之氣。故膽生於肝。而膽氣不積。因肝之積熱。故上攻眼目。大噓三十吁。一補一瀉。則眼增光。不生眼眵。故目通肝。肝乃魂之宅。夜睡眠閉。則魂歸宅。肝爲目之官。秋面青。受尅辛。多傷肝。秋七十二日省辛增酸以養肝氣。

腎吹抱取膝頭平

吹則通腎去腎中一切虛熱之氣或目昏耳聾補瀉得宜則腎氣自調矣故腎通耳爲耳之官耳聽藏精不可聽於淫聲大吹三十吹熱擦腎堂四季十八日而黑受尅甘多傷腎故季月各十八日省甘增鹽以養腎氣

肺病咽氣手雙擎

咽則通肺去肺家一切所積之氣或感風寒咳嗽或鼻流涕或鼻熱生瘡大咽幾咽一補一瀉則肺氣自然升降肺爲心之華蓋最好清故肺清則不生疾也肺通鼻爲鼻之官肺爲魄之宅也夏面白則受尅苦屬火肺屬金

夏七十二日省苦增辛以養肺氣。

脾病呼時須撮口

呼則通脾。去脾家一切濁氣。故口臭四肢生瘡。或面黃脾家有積。或食食物積聚不能化。故脾爲倉廩之官。又爲血之用。故飲食不調。則不生血。四肢不動。則脾困。故夜則少食。睡時脾不動。以致宿食。則病生矣。脾四季之官。爲意之宅。故意不可以妄動。動則浩然之氣不能清也。春面黃則受尅。春七十二日省酸增甘以養脾氣。

三焦客熱臥嗜嗜

嗜則通膽。去膽中一切客熱之氣。故臥時常嗜。能去一身

之客熱補瀉得當膽氣自清目不生眵膽怕熱四時飲食熱者少食止膈無積使膽氣清爽也。

元

春

木肝

黑睛

氣不和昏暗黑花頭痛多翳膜蟬睛或多冷淚

亨

夏

火心

大眦

氣不和昏熱腫痛兩眦小眦赤爛生浮翳血灌瞳神

太極

陰龍陽動

土脾

上脘

氣不和或眼胞腫起

下脘肉或眼胞腫起多毛

利

秋

金肺

白睛

氣不和白睛腫起多痰

貞

冬

水腎

瞳神

氣不和瞳青綠視物若

經云瞳子眼黑法於陰白眼赤脉法於陽故陰陽合轉而

精明此則眼具陰陽也。

又曰五臟六腑之精氣皆上注於目而為之睛睛之窠為

眼。腎之精爲瞳子。筋之精爲黑眼。血之精爲絡。其裏氣之精爲白眼。肌肉之精爲約束。裹擷筋骨氣血之精而與脉并爲系。上屬於腦。後出於項中。此則眼具五臟六腑也。後世五輪八廓之說。蓋本諸此。○臟腑主目有二。○一曰肝經云。東方青色入通於肝。開竅於目。藏精於肝。又云。人臥血歸於肝。肝受血而能視。又云。肝氣通於目。肝和則目能辨五色矣。○二曰心經云。心合脈。諸脈皆屬於目。是也。至東垣又推之而及於脾。如下文所云。垣曰。五臟生成篇云。諸脈皆屬於目。目得血而能視。鍼經九卷太惑論云。心事煩冗。飲食失節。勞役過度。故脾

胃虛弱。心火太盛。則百脉沸騰。血脉逆行。邪害孔竅。如
天明。則日月不明也。夫五臟六腑之精氣。皆稟受於脾。
土而上貫於目。脾者諸陰之首也。目者血氣之宗也。故
脾虛則五臟之精氣皆失。所司不能歸明於目矣。心者
君火也。主人之神。宜靜而安。相火代行其令。相火者胞
絡也。主百脉皆榮於目。既勞役運動勢乃妄行。及陰邪
氣并損其血脉。諸病生焉。凡醫者不理脾胃。及養血安
神。治標不治本。不明正理也。



張子和曰。聖人雖言目得血而能視。然血亦有大過不及
也。太過則目壅塞而發痛。不及則目耗竭而失明。故少

年之人太過多老年之人不及多但年老之人其間猶有太過者不可不察也夫目之內眥太陽經之所起血多氣少目之銳眥少陽經也血少氣多目之上眥太陽經也亦血多氣少目之下眥陽明經也血氣俱多然陽明經起於兩目旁交頰之中與太陽少陽俱會於目惟足厥陰經連於目系而已故血太過者太陽陽明之實也血不及者厥陰之虛也故出血者宜太陽陽明蓋此二經血多故也少陽一經不宜血少故也刺太陽陽明出血則目愈明刺少陽出血則目愈昏要知無使太過不及以養血脈而已凡血太多則濫太少則枯人熱則

血行疾而多寒則血行遲而少此常理也。目者肝之外
候也。肝主血。在五行屬木。雖木之爲物太茂則蔽密太
衰則枯瘁矣。夫目五輪乃五臟六腑之精華。宗脉之所
聚。其白睛屬肺金。肉輪屬脾土。赤脉屬心火。黑水神光
屬腎水。兼屬肝木。此世俗皆知之矣。及有目疾則不知
病之理。豈知目不因火則不病。何以言之。白輪變赤火
乘肺也。肉輪赤腫火乘脾也。黑水神光被翳火乘肝與
腎也。赤脉貫目火益熾也能治火者一句可了。故內經
云。熱勝則腫。凡目暴赤腫痛。蓋明癰癰淚出不止。暴寒
目瞶者。皆大熱之所爲也。今刻五輪所屬八廓主病以

令施治者指南焉

五輪定位之圖



大腎屬心

黑珠屬肝

上胞屬脾
下胞屬胃

白珠屬肺

瞳神屬腎

火為血輪

木為風輪

土為肉輪

金為氣輪

水為水輪

左目有陽經	南方無時	出入無時	順則明靈	惟一推中	操之則存	造之則離	既靜既清	右目陰精	元陽之靈	其色玄蒼	吞吐日月	男勞毋搖	守之如瓶	三五合一	既寧既定
-------	------	------	------	------	------	------	------	------	------	------	------	------	------	------	------

此象火質	其形此赤	變化莫測	逆則炎赫	是為之則	舍之則矢	久視可必	復云何疾	龜象水質	坎水之英	其性和平	納彼虛盈	是為進得	防之如星	乃可長生	目何不明
------	------	------	------	------	------	------	------	------	------	------	------	------	------	------	------

八廓定位之圖

水	木	火	土	金
肺	肝	心	脾	肺
腎	肝	心	脾	肺
腎	肝	心	脾	肺



兌	乾	坎	艮	兌	乾	坎	艮
腎	肺	腎	命門	腎	肺	腎	命門
焦	大腸	膀胱	焦	焦	大腸	膀胱	焦
開泉	傳送	津液	會陰	開泉	傳送	津液	會陰

五輪歌括

肝有風輪是木形。肉輪屬土是脾經。水輪腎水瞳神也。肺屬金。方號氣輪。兩眦血輪。心屬火。五輪原屬五行分。能知生尅分虛實。燮理陰陽血氣乎。

五臟主病

勞神赤澀。心家損。悲怒多傷肝氣。衰寒暑不調傷脾。面色慾無時致腎虛。饑飽不勻傷脾胃。風邪觸犯可推詳。陽中熱結緣何故。解熱須將虛實量。盛時眼內熱。火煎熱時白翳眼中連。衰時眼淚頻頻下。迎風淚下又顛旋。

八廓歌括

乾肺太腸傳送廊坎腎膀胱津液場命門上焦會陰艮瞻
肝清淨震之方肝絡中焦異養化小腸離火心胞陽腎絡
下焦關泉兌坤脾水穀胃爲強合冲生剋分虛實對症投
醫病始康

八廊主病

傳送原因是本經肺家壅滯熱傷時大腸若順應須治閉
塞之時翳相侵視物如看雲霧多抬頭怕日病如何急宜
補腎禁房室免得昏矇不可過視物依稀似霧中時時手
拭兩睛瞳要知冷淚頻頻出此是肝虛膽氣攻小腸腑屬
關泉廊受病先從心裏傳兩角俱赤心癢痛但調經脉自

然痊昏矇眼疾。豈無出酒色過時。更滯。莫道睛昏無大故。那堪障霧。雙眸內抱真陽。是命門眼前花發色。難分不能補腎調虛氣。睛瞳縱橫似有根。飲食相傷在胃中。更加積熱兩相攻。臉胞潮腫睛生赤。不解中宮熱不通。膀胱屬水腎爲元。冷淚相形木。臟慾赤脉縱橫。輪廓內不達妙手。豈能痊。

臟腑表裏三陰三陽輪廓貫通

手少陰心經

足少陰腎經

手太陰肺經

足太陰脾經

手厥陰心包

足厥陰肝經

手少陽三焦

足少陽膽經

手太陽小腸

足太陽膀胱

手陽明大腸

足陽明胃經

三焦與心胞絡爲表裏

按目

附命

○目者肝之官也

色脉

東方生風在竅爲目其情

陽氣上走於目而爲睛

氣敷和之紀其主目

氣運足太陽脉

通頂入腦者正屬目本名眼系陰蹻陽蹻陰陽相交陽出

陰陰出陽交於目銳眥陽氣盛則瞖目陰氣勝則瞤目

針俱

刺蹻脉屬目內眥氣不營則目不合在脉入目督脉與太

針


陽起於目內眥其少腹直上者上繫兩目之下足太易

陽起於目內眥其少腹直上者上繫兩目之下足太易

於目內眥是太陽之筋束者爲目上綱足陽明之筋上合
於太陽爲目下綱足少陽之筋支者結於目眥爲外維足
陽明還繫目系足少陽起目銳眥至銳眥後手太陽至目
銳眥支者至目內眥手少陽至目銳眥手少陰繫目系足
厥陰連目系手少陰合目內眥足少陽繫目系合少陽於
外眥平且陰盡陽氣出於目目張則氣上行於頭夜則氣
行於陰而復合於目俱難經目者心之使也目者五臟六腑
之精也營衛魂魄之所常營也神氣之所生也五臟六腑
之津液盡上升滲於目俱疾疴篇

命門曰太陽結於命門命門者目也亦經絡篇


五運之圖



甲巳之年爲土運土	愛煖而不愛寒宜加	溫劑以助之	乙庚之年爲金運金	宜清而不宜煖宜加	平劑以清之	丙辛之年爲水運水	欲煖而寒則疑宜加	熱劑以溫之	丁壬之年爲木運木	惡寒而又怕燥宜加	和劑以平之	戊癸之年爲火運火	宜寒而不宜熱宜清	涼劑以解之
----------	----------	-------	----------	----------	-------	----------	----------	-------	----------	----------	-------	----------	----------	-------

六氣之圖

凡司天主在上半年



凡在泉主在下半年

子午卯酉年少陰君	火陽明燥金司天在	泉宜清之	辰戌丑未年太陰濕	土太陽寒水司天在	泉宜溫之	寅申巳亥年少陽相	火厥陰風木司天在	泉宜涼劑以和之然	又當察病以調治而	不可執一也
----------	----------	------	----------	----------	------	----------	----------	----------	----------	-------

逐年六氣總論

復慧子曰天有四時歲有六氣此卽外因是也四時者春夏秋冬也六氣者風寒暑濕燥火也且初之氣自年十一月大寒節起至立春雨水驚蟄前終止乃厥陰風木用事二之氣自二月春分節起至清明穀雨立夏終止乃少陰君火用事三之氣自四月小滿節起至芒種夏至小暑終止乃少陽相火用事四之氣自六月大暑節起至立秋處暑白露終止乃太陰濕土用事五之氣自八月秋分節起至寒露霜降立冬終止乃陽明燥金之用事六之氣自十月小雪節起至大雪冬至小寒終止

乃太陽寒水用事。春溫夏熱秋涼冬寒。四時序而六氣調。病安生焉。過則爲災。未有不致目病者。至於細分六氣。已詳列於後之諸卷中矣。

傅氏眼科審視瑤函卷之一

秣陵傅仁宇允科纂輯

增張文凱廷獻叅閱

廣陵林長生聲震較補

男傅維藩國棟編集

甥張秀徵訂正

公猷 掄 全次

大梁周靖公亮節較梓

體仁

五輪所屬論

夫目有五輪。屬乎五臟。五輪者。皆五臟之精華所發。各之曰輪。其像如車輪。圓轉運動之意也。上下眼胞。屬乎脾土。應中央戊己辰戌丑未也。脾主肉。故曰肉輪。脾土主乎運動。磨化水穀。外應目之兩胞。動靜相應。開則萬用。如陽動。

之發生閉則萬寂如陰靜之收斂像土能藏萬物而主靜
故脾一合則萬有寂然而思睡藏納歸靜之應也目又有
兩銳角爲目大小背屬心火應南方丙丁巳午也心主血
故曰血輪人臟有大小二心故目背亦有大小二輪之別
其內白睛則屬肺金應西方庚辛申酉也金爲五行中之
最堅故白睛亦堅於四輪肺主氣故曰氣輪白睛內之青
睛則屬肝木應東方甲乙寅卯也木在四時爲春春生萬
卉其色青瑩自能鑒視故目爲肝木之竅肝木主風故曰
風輪青睛之內一點黑瑩者則爲瞳神屬乎腎水應北方
壬癸亥子也腎主水故曰水輪五輪之中四輪不能視物

惟水輪普照無遺神妙莫測乃先天之精液肇始之元靈
人身之至寶猶夫天之日月也是以人之精神損者不能
治矣

八廓所屬論

夫八廓應乎八卦脉絡經緯於臟貫通臟腑以達血氣往
來滋養於目廓者如城廓之謂各有門路往來卽匡廓衛
禦之意也故乾居西北絡通大腸之腑臟屬於肺肺與大
腸相爲臟腑上連清純下輪糟粕爲傳送之官故曰傳送
廓坎正北方絡通膀胱之腑臟屬於腎腎與膀胱相爲臟
腑主水之化源以輪津液故曰津液廓艮位東北絡通三

焦臟配命門。命門與三焦相爲臟腑。會合諸陰分。輸百脈。故曰會陰。廓震主東方。絡通胆之腑。臟屬於肝。肝胆相爲臟腑。皆主清淨。不受截滯。故曰清淨。廓巽位東南。絡通中焦之腑。臟配心胞。心胞與中焦相爲臟腑。胞絡營血以滋養中焦。分氣以化生。故曰養化。廓離屬正南。絡通小腸之腑。臟屬於心。心與小腸相爲臟腑。爲諸陰受盛之胞。故曰胞陽。廓坤位西南。絡通於胃之腑。臟屬於脾。脾胃相爲臟腑。主納水穀以養生。故曰水穀。廓兌正西方。絡通下焦之腑。臟配腎絡。腎與下焦相爲臟腑。關主陰精化生之源。故曰關泉。廓臟腑之相配。古聖內經已有定法。而三焦獨重。

肝腎二絡者。此目之配法。蓋目開竅於肝。而主於腎。故有二將之專主也。左目屬陽。陽道順行。故廊之經絡法象。亦以順行。右目屬陰。陰道逆行。故廊之經絡法象。亦以逆行。察左右目兩背之分。則昭然可明陰陽順逆之道矣。

五輪不可忽論

夫目之有輪。各應乎臟。臟有所病。必現於輪。勢必然也。肝有病。則發於風輪。肺有病。則發於氣輪。心有病。則發於血輪。腎有病。則發於水輪。脾有病。則發於肉輪。此五輪之易知者。木青。金白。水黑。火赤。土黃。此五色之易知者。輪也。色也。已灼然而現。證醫猶不知。爲目病之驗。又况亢則乘勝。

則侮併病合病自病傳病生尅制化變通之妙豈能知之乎。大約輪標也。臟本也。輪之有證由臟之不平所致。未有標現證而本不病者。今不知輪之證則不知乎臟矣。夫輪臟相應。既不知輪則是標本俱不明。標本既不明何以知孰宜緩孰宜急而能治人之疾哉。問有知輪臟標本而不知其中生此尅此自病傳病或併或合之不同則乘侮制化變通之妙又不能知。又有知標本緩急自傳併合等症而又不知人之強者弱者。在血在氣所受所與當補當瀉之不同。則順逆反正攻守之治必不能知。如此之醫豈能治人之疾乎。是患目者多而治目者少。咎無良方面墜華。

化之不再生陋矣。化卽再生而人不能精明化之道。亦無益耳。

勿以八廓爲無用論

五輪爲病。間有知者。至於八廓之病。位且不知。况欲求其知經絡之妙用乎。故古人云。經絡不明。盲子夜行。夫八廓之經絡。乃驗病之要領。葉斯道者。豈可忽哉。蓋驗廓之病。與輪不同。輪以通部形色爲證。而廓惟以輪上血脉絲絡爲憑。或粗細連斷。或亂直赤紫。起於何位。侵犯何部。以辨何臟何腑之受病。淺深輕重。血氣虛實。衰旺邪正之不同。察其自病。傳病。經絡之生。尅逆順而調治之耳。人有謂止八廓如三焦之有名無實。以爲無用者。此謬之甚者也。愚

觀內經黃帝少俞論士勇怯言勇士剛急三焦肉橫怯士
柔緩三焦肉縱夫肉則有狀此難經之頗誤也今八廓有
位有形故如三焦之比八廓絲絡比之三焦更爲有據三
焦雖然有據三焦在內而不見尚有隔上隔下之分八廓
則明見於外病發則有絲絡之可驗者安得謂爲無用哉

目爲至寶論

大哉目之爲體乃先天之空竅肇始之元明經絡之精華
榮衛之膏液故有金珠玉液之稱幽戶神門之號究其源
實陰陽蘊氣之始二五凝精之際神哉空竅列分左右妙
合先天大玄既備神物漸凝精明其聚普照無窮稽諸古

肺之精騰結而爲氣輪。肝之精騰結而爲風輪。心
之精騰結而爲血輪。脾之精騰結而爲肉輪。腎之精騰結
而爲水輪。氣輪者白睛是也。內應乎肺。肺爲華蓋。部位至
高。主氣之升降。少有拂鬱。諸病生焉。血隨氣行。氣若拂鬱。
金受火尅而亡。血亡則病變不測。金包在水。外火來尅。
金故氣輪先赤。金又尅木。是以其病漸及於風輪也。金色
宜白。故白而光澤者順也。風輪者白睛內之青睛是也。內
應乎肝。肝在時爲春。春生萬卉。而肝開竅於目。肝木主風。
故曰風輪。此輪清脆。內包膏汁。有涵養瞳神之功。其色宜
青。故青瑩者順也。目有黃濁者。乃濕熱之害。惟小兒之色

最正。及長食乎厚味。則瀉其氣。而色亦異矣。血輪者。兩目
角大小紅背是也。內應於心。心主血。故曰血輪。夫火在目
爲神光。火衰則有昏膜之患。火盛則有焚燥之殃。雖有兩
心。而無正輪。心君主也。通於大背。故大背赤者。實火也。命
門爲小心。小心者。相火也。相火行君之令。通於小背。小背
赤者。虛火也。若心君之主拱默。則相火自然清寧矣。火色
宜赤。惟紅活爲順也。肉輪者。脾土是也。脾主肉。故曰肉輪。
夫土爲五行之主。故四輪皆脾之包含。土性主靜。其色宜
黃。得血爲潤。故黃澤爲順也。華佗云。目形類丸。瞳神居中
而獨前。如日月之麗東南。而眇西北也。內有大絡者。五乃

心肝脾肺腎各主一絡。中絡者六膀胱大小腸三焦胆包絡各主一絡。外有旁枝細絡。莫知其數。皆懸貫於腦下達臟腑通乎血氣往來以滋於目。故凡病發則目中有形色。絲絡一一顯見而可驗。方知何臟何腑之受病。外有二竅以通其氣。內包諸液。液出則爲淚。中有神膏。神水。神光。真血。真氣。真精。皆滋目之液也。神膏者目內包涵之膏液。膏液如破則黑稠水出是也。此膏由胆中滲潤精汁升發於土積而成者。方能涵養瞳神。此膏一衰則瞳神有損於視矣。由三焦而發源。先天真一之氣所化在目之內。雖不可見。若被觸物損破則見黑膏之外有似稠痰出者是也。卽

目上潤澤之水。水衰則有火盛燥暴之患。水竭則有目輪
大小之疾。耗澀則有昏眇之危。虧者多。盈者少。是以世無
全精之目。神光者。謂目中自然能視之精華也。夫神光原
於命門。通於胆。發於心。皆火之用事。神之在人也。大矣。在
足能行。在手能握。在舌能言。在鼻能嗅。在耳能聽。在目能
見。有莫知其所。以然而然者。夫神源合乎心。故發於心焉。
神如遊龍。變化不測。人能靜之。抱元守一。豈獨目之無病
哉。真血者。卽肝中升運於目。輕清之血。乃滋目經絡之血
也。此血非比肌肉間混濁易行之血。因其輕清。上升於高
而難得。故謂之真也。真氣者。卽目經絡中往來生用之氣。

乃先天真一發生之元陽也大宜和暢少有鬱滯諸病生焉真精者乃先後二天元氣所化之精汁先起於腎次施於胆而後及乎瞳神也凡此數者一有所損目病生矣大槩目圓而長外有堅亮數重中則清脆內包黑稠神膏一函膏外則白稠神水水以滋膏水外則皆血血以滋水膏中一點黑瑩乃是腎胆所聚之精華惟此一點燭照鑒視空濶無窮者是曰瞳神此水輪也其妙有三胆汁腎氣心神也五輪之中四輪不能視物惟瞳神乃照物者風輪則有包衛含養之功故凡風輪有損瞳神不久留矣此卽唇亡齒寒輔車相依之意也或曰瞳神水乎氣乎血乎膏乎

曰非血非氣非水非膏乃先天之氣所生後天之氣所成
陰陽之妙蘊水火之精華血養水水養膏膏護瞳神氣爲
運用神則維持喻以日月其理相同而午前則小午後則
大亦隨天地陰陽之運用也大抵目竅於肝生於腎用於
心潤於肺藏於脾有大有小有圓有長皆由人稟受之異
也男子右目不如左目之精華女子左目不如右目之光
彩此各得其陰陽之定理也然賢愚佞直剛柔壽夭皆驗
目而知之物之絲髮差別可以辨物之毫忽輕重可以定
遇物卽知遠射無遺豈不爲神用之至寶乎故古人曰天
無二曜一物無所生人無兩目一物無所見誠哉是言也

思之甚可驚。畏夫人之精血有限。豈可妄自斲喪真元。一旦疾成。始悔究其因。皆從耽酒好色。嗜欲無窮。或痰火頭風。哭泣太傷。思慮過度。風沙烟障。不知避戒。竭視勞瞻。而不知養息。或五味四氣六淫七情。不節之所致也。由微至著。而人不知省。及疾已成矣。仍仗血氣之盛而不醫。或泥巫禱之靈而不治。遂成痼疾。悔悵無由。雖有金谷之富。臺鼎之榮。卽盧扁復生。亦不能療。吁嗟堂堂之軀。同於木偶耳。經云。欲無其患。先制其微。蓋言疾之初起。卽當療治也。制之之法。豈獨藥哉。內則清心寡慾。外則惜視緘光。蓋心清則火息。慾寡則水生。惜視則目不勞。緘光則膏常潤。臟

腑之疾不起。眼目之患卽不生。何目疾之有哉。孔子曰。目不視邪色。戒顏子曰。非禮勿視。皆所以正其視。養心神也。而孟夫子亦曰。胸中不正。則眸子眊焉。又曰。物交物。則引之而已矣。豈非目由心之所使。心爲目之所誘乎。故老子又曰。含眼光。藏真氣。還真子曰。目不著於物。則心無所用。心無所用。則神不馳。神不馳。今心自固。豈非心不正。由目之妄視乎。故古之聖賢。保之有方。守之有道。藏光內視。清心塞聽。以養天真。則存德養身。不但目之無病。而壽亦延紀矣。

開導之後宜補論

夫目之有血爲養目之源。充和則有發生長養之功。而目不病。少有虧滯。目病生矣。猶水爲生物之澤。雨露中和。則滋生之得宜。而草木秀。亢旱涸涸。則草木壞矣。皆天氣之失和使然也。是故天之正氣不和。則陰陽偏盛。旱潦乘之。水之盈虧不一。物之秀稿不齊。雨暘失時。而爲物之害也。譬之山崩水湧。滂沛妄行。不循河道而流。不得已而疏塞決隄。以泄其泛濫。使無滄溢害物之患。人之六氣不和。水火乖違。淫亢乘之。血之衰旺不一。氣之升降不齊。榮衛失調。而爲人害也。蓋由其陰虛火盛。炎熾錯亂。不遵經絡而來。鬱滯不能通暢。不得已而開滯導鬱。以泄其瘀。使無脹

潰損目之害其理與戰法同而開導之要穴有六謂迎香
內脾上星耳際左右太陽穴也。內脾乃破賊正隊之前鋒
也。其功雖遲漸可收而平順。兩太陽擊其左右翼也。其功
次之上星絕其糧道也。迎香攻賊之巢穴也。成功雖速乘
險而征也耳。際乃擊其遊騎耳。道遠功卑。智者所不取此
六穴者皆拯危之良術。挫敵之要機。與其閉門捉賊。不若
開門待去之爲愈也。夫盜人豈所欲遇乎。倘不幸而遇之
若盜寡而勢弱。我強而勢盛。賊成擒矣。設或羣盜猖獗。又
不若開門逐之爲愈也。資財雖損。竭力經營猶可補其損
也。若一閉門必有激變。焚殺之勢。目人豈所欲患乎。倘不

幸而患之病淺而邪不勝者。攻其內而邪自退。目自明矣。若六陽熾盛。不苦開導以通之。則膏液雖損。隨以藥補之。猶無損也。不然大邪瘀滯之極。目必有潰爛枯凸之害。雖然。但開道之一法。其中有利害二者存焉。有大功於目而人不知。有隱禍於目而人亦不知。若論其摧鋒挫銳。拯禍勘亂。則其功之大者也。至於耗液傷膏。滅光華而少資生。又其禍之隱者也。醫人若能識病之輕重。察病之虛實。宜開導而開導之。既導之後。隨卽補之。使病目者氣血無傷害之弊。庶可稱通權達變之良醫矣。

眼不醫必瞎辨論

世俗俚言有眼不醫不瞎之說而愚人往往信之蒙其害者亦多矣。夫神農嘗百藥慮生民之病。天華佗立眼科憂後世之盲瞽。有是病必有是藥。藥而猶難於卽愈。未有不藥而愈者也。夫人疾病皆由不能愛養真元。及致斲喪之後。邪氣乘虛而入。一旦疾發而又不能調治。反惑於愚人之言。豈愛身之人哉。譬如火發而不急救。委之於數者。火不救有不盡焚者乎。救之少遲。僅免其半。倘不救。未有全不焚者。患目者。治之少遲。卽醫治雖無全功。亦可以免枯凸之害。豈有不醫不瞎之理乎。發此言者。皆係愚人之疾。陷於沉痾之地。其立心也不仁。聽此言者。亦謂愚而不得。

甚矣。蓋眼不醫不瞎者。乃眼不醫必瞎也。不必二字音語相近之誤。且目爲竅。至高火性上炎。最易從竅而出。脉道幽深。經絡微細。少犯禁戒。則必患之。且今人能知保護者少。損耗者多。是目之感病最易。而治之則難。故深言警惕之。曰眼不醫必瞎。必之一字。意最重實。欲使人防微杜漸之意也。謂人目病若不早醫。病必日深。而眼必瞎矣。此理之最易明。智者不待辨而自知也。其曰不醫不瞎者。愚人之妄言也。安可聽諸。

點服之藥各有不同問答論

問曰點服之治俱各不同。有點而不服藥者。有服藥而不

點者有熱服並行者何謂乎曰病有內外治各不同。內疾已成外症若無不必點之。點之無益。惟以服藥內治爲主。若外有紅絲赤脉如係初發。不過微邪邪退之後。又爲餘邪。點固可消。服藥夾攻猶愈。倘內病始發。而不服藥內治。只泥外點者。不惟徒點無益。恐反激發其邪。必生變証之害。若內病既成外症。又見必須內外並治。故宜點服俱行。但人之性愚。拘不同有執已之偏性。喜於服藥而惡點者。有喜於點而惡服者是。皆見之偏也。殊不知內病既發。非服藥不除。古云止其流者。莫若塞其源。伐其枝者。莫若治其根。揚湯止沸。不如竈底抽薪。此皆治本之謂也。若內有

病不服藥而愈者。吾未之信也。至於外若有翳。不點不去。古云。物穢當洗。鏡暗須磨。脂膏之釜。不經滌洗。焉能潔淨。此皆治標之謂也。若外障既成。不點而退者。吾亦未之信也。凡內障不服藥而點者。反激其火。耗散氣血。徒損無益。反生變症。又有內病成而外症無形。雖亦服藥。而又加之點。此恐點之反生他變。至於外症有翳。單服藥而不點。如病初起。浮嫩不定之翳。服藥亦或可退。若翳已結成者。服藥雖不發不長。但恐不點翳必難除。必須內外兼治。兩盡其妙。庶病可愈矣。故曰。伐標兼治本。伐本兼治標。治內失外。是爲愚。治外失內。是爲痴。內外兼治。是爲良醫。

用片得效後宜少用勿用論

有病目者問曰片腦之功治目何多。予聞而哂之曰。君知其功亦知其害乎。病者愕然曰。舉世之人由稚及老。雖愚夫愚婦皆知片腦爲治眼之藥。眼科無不以此爲先。今君獨言害者何也。莫非駭俗乎。曰。予非穿鑿而好撓舌。亦非絕棄而不用。但用之得其當耳。予旣病目。亦曾點否。曰。點。曰。予旣點。且以此試爲予問。有點片腦。初覺涼快。少頃煩熱而悶燥者。有點片腦。而目愈昏。有點而障愈厚。病愈篤者。有之乎。病者曰。皆有之。且人之目病。無有不點片腦者。予之目旣點片腦。今何爲而不愈。而乃矜羨其功之多也。

客愀然而起曰。誠愚之所未聞。敢請教。曰。片腦利害兼有。功過相半。然利害雖在片腦之性味。而功過則由醫者用之當不當耳。我以此語于子。靜聽而以理揆之。且曰。非熱不發。非寒不止。此指大意而言也。若夫血見熱則行。見寒則凝。寒甚則傷血。熱甚則傷精。此理之自然。今遍考諸家所論片腦。有稱爲寒。有稱爲熱。稱爲常有。稱爲劫。皆不知眼科心法之故。夫片腦寒熱兼有。陰中之陽味涼而性熱。實眼科之劫藥也。味有形也。性無形也。血有形也。氣無形也。今片腦味涼性熱。味不能退。無形之火。性不能行。有形之血。是以血雖得熱而欲行。而寒又爲之絆。火雖得寒

而欲退而熱又爲之助。故寒反傷其血。熱反傷其精。古人有曰。寒非純寒。熱非純熱。寒熱夾攻。反傷精血。而目之爲廢。至高火性炎上。最易攻犯。今內火熾盛。拂鬱極矣。況其脈道幽深。經絡高遠。而內治之藥。未能便達於目。故用外劫之藥。反攻之法。假其性以引火。邪火從竅而出。假其味以潤之。舒其澁痛。且香能通竅。不過暫用其劫。而不可常也。如凝脂赤腫。天行暴風。蟹睛赤虬。風爛澁痛等症。是其所治之病也。其他俱不可用耳。如若火息。無赤痛澁爛之症。皆宜減去。片腦片腦之功。只能散赤劫火。潤澁定痛。其害則耗散陽光。而昏眇不明。凝結膏液。而爲白障。難除爲

其熱極生寒。反兼水化也。屢見患凝脂赤膜。花翳蟹睛。皆片腦凝結成大白片。而不得去。方見片腦生寒。反兼水化之害。大抵目病用片腦。如以賊攻賊。其功亦速。賊敗則我勝。若不奪其權。而再縱之。則矯肆生禍。亂作矣。故凡用片腦。劫病既退之後。若再用之。則膏汁凝。而目之光華弱矣。必減片腦用之方妙。而內仍須服補養調治之藥。庶不損於瞳神耳。

鈎割針烙宜戒慎論

原夫鈎割針烙之法。肇自華佗。今人效之不識病症之輕重。不辨部位之當否。盲醫瞎治。妄加痛楚於人。此等亂爲。

定遭天譴爲子孫殃。今子將部位病症之當否。鈎割針烙之所宜者。請備言之。以爲後學規矩準繩。庶無妄治之愆。或於陰功諒有小補云。夫鈎。鈎起也。割。割去也。針。非砭針之針。乃針撥瞳神之針。烙。卽漢烙之烙。此四者猶夫刑之殺戮。凶強剪除橫逆之法也。要在審察明而決斷定。然後加刑。先滅巨魁。以及從惡。則情真罪當。而良善無枉屈侵擾之害。強暴無激變作亂之禍。若論治法。實開泄鬱滯。滌除痰積之一法也。惟要症候明而部分當。始可施治。先伐標而後治本。則氣血寧而精膏無耗。澁枯傷之患。輪廓無誤。失損害之過。如鈎。先須認定何處皮肉筋脈浮淺。可鈎。

不可鉤。酌量治之。卽手力亦隨病之輕重行之。如針必須
內障卽症候可針。必俟年月已足。血氣已定者。方可針之。
庶無差謬。不可妄爲。使病人受無辜之痛楚。致同道之恥
笑。針後當照病用藥。內治其本。或補或瀉。或溫或涼。各隨
症之所宜。若只治其標。不治其本。則氣不定。不久復爲患
矣。如割在氣血肉三輪者可割。而大背一塊紅肉。乃血之
英心之華。決不可割。誤割則目盲。心神在此而傷之必死。
有割傷因而惹風及元氣虛弱之人。煩燥濕盛者。必爲潰
爛崩漏而目枯。凡障如攀睛。胬肉雞冠。蜆肉魚子。石榴赤
脈。虬肋。胞肉粘輪等症。可割。若在風輪之淺者。誤割之則

珠破而目損。至於烙。只能治殘風潰眩。瘡爛濕熱。重而久不愈者。輕者亦不必烙。服藥自愈。若紅障血分之病。割之必用烙以斷之。否則不久復生。若在氣分。白珠不可用烙。若在烏珠。針烙皆不可犯。不惟珠破。亦且甚痛。凡烏珠有惡障厚蔽者。鉤割亦宜淺淺割外邊。赤絲瘀肉。其內貼珠翳障。只宜緩緩點藥。服藥耐心治之。久而自消。不可性急而取快也。若刺割風毒流毒。瘀血等症。當以活法審視。不可拘於一定。必須師傳親授。臨症親見。非筆下之可形容。大抵鉤割針烙之治。功效最速。雖有撥亂反正之功。乃乘險救危之法。亦不得已而用之。全在心細而胆大。必症候

明而部分當又兼服藥內治方爲兩盡其美若只治外症而不治內雖有今日之功恐爲後日之害也兼斯道者甚無忽焉

棄邪歸正論

治病猶治亂敵綜理無錯攻守得宜少失機權變症生矣夫有諸中然後形諸外病既發者必有形色部位之可驗始知何臟何腑某經某絡所患虛實輕重然後對症醫治則綜理清而攻守當矣夫何變症之有今人治目不知形症部分輒亂投藥每受其害問有仁倖而愈則往往引以爲例蒙害者甚多亦不能盡具之舉數節以爲後戒且

如人之患目者。皆曰服菊花洗心散。龍胆四物湯。三黃湯。明目流氣飲。車肝丸。補陰丸之類。不見効。則反歸怨於藥。殊不知病不對藥。非藥之過。耳。有以黃連湯。薄荷湯。泥漿井水。雞子清。水晶金銀等物。取其涼氣。以之熨洗。爽快一時。反致血凝。變症日增。亦不知悟。及疾成而始悔。有人飲燒酒。食辛辣。烘火向日。謬云。以熱攻熱。若雨人者。譬如浮蟬泛火。乃火將熄之時。被其一激而散。偶爾倖倖遂以爲常。比比誇以示人。吁。倘遇炎熾之病。是實敵以糧。授賊以刃也。此理之甚明。而人何不悟。可謂愚矣。有以舌舐目而珠破。不知其害者。不知舌乃心之苗。爲心火之用。且唇腥。

癰燥炙無不皆嗜。以之餽輕清脆嫩之目。焉得不傷破哉。
或曰。古人餽目而復明。非餽之功乎。豈知古之餽目。不過
一二人而已。此實誠心孝感所致。豈可以此爲例。又有信
巫祝而明燈向日。摘草掄絲。謂之剗眼。決無此理。外臺秘
要亦無此法。屢有痕癢水傷。俱由此致。蓋努力強掙勞瞻。
以耗弱之精華。而蔽赫赫之陽光。安得無損。間有客熱天
行。銀星微火。自退之症。偶然倖愈者。則以爲巫祝之靈。愈
信鬼神而棄醫。彼此誇援爲例。而患者遂以此爲信。因成
痼疾而悔之遲矣。賢士大夫。尚蒙其蔽。又况愚人乎。或有
因將草汁點洗。誤中其毒者。有將毒草貼于曲池合谷太

陽等穴而致目珠損凸者。有刮指甲。塗玉骨血等。點目而擦破其珠者。如此妄治。皆愚人自取其禍。若醫者爲之。則不才之甚者也。又有庸醫。利證尙不明。濫治人疾。或不當點而強點。不當熨割而強熨割之。當開導而失於開導。至於用藥。當補者而反瀉。當瀉者而反補。寒其寒而熱其熱。損不足而益有餘。凡此皆醫害之也。故人有信巫而不信醫者。決不可強之醫。此下愚之甚者。雖強之醫而終無全功。反爲所鄙。大抵目病。由肝腎之本虛。而後標病始發於目。未有本實而標病者。然人有氣血表裏虛實遠近男婦老幼緩急之異。病藥有寒熱溫涼君臣佐使補瀉逆

從反正之異治。要驗症而辨其臟腑經絡。察遠近而審其寒熱虛實。認症的當。病真理明。然後投之以藥。則內外攻伐補瀉各得其宜。庶醫無害人之過。人無損目之疾。病者必加之以清心寡慾。耐久醫治。又何目病之不除哉。

用藥寒熱論

用藥如用兵。補瀉寒熱之間。安危生死之所係也。可不慎與。雖云目病非熱不發。非寒不止。此言夫火之大槩耳。內有陰虛。冷淚昏眵。脫陽等症。豈可獨言是火。而用寒涼也。今之庸醫。但見目病。不識症之虛實寒熱。辨別氣血。惟用寒涼治之。殊不知寒藥傷胃損血。是標未退而本先傷。至

胃壞而惡心。血敗而拘攣。尚不知省。再投再服。遂令元氣大傷。而變症日增。必虛寒之症已的。始可投以溫和之藥。否則有抱薪救火之患。設是火症。投以熱藥。其害猶速。不可不慎。大抵燥赤者清涼之。結秘者寒涼之。陰虛者滋補之。脫陽者溫熱之。然熱藥乃回陽之法。寒藥乃救火之方。皆非可以常用者。外障者養血去障。內障者滋胆開鬱。故治火雖用芩連和柏之類。製之必以酒炒。庶免寒涼泄瀉之患。而寒熱補瀉之間。又宜諒人稟受之厚薄。年力之盛衰。受病之輕重。年月之遠近。毋使太過。不及。當於意中消息。如珠之走盤。如權之走秤。不可拘執。是爲良醫。

用藥生熟各宜論

藥之生熟。補瀉在焉。劑之補瀉。利害存焉。蓋生者性悍而味重其攻也。急其性也。剛主乎瀉。熟者性淳而味輕其攻也。緩其性也。柔主乎補。補瀉一差。毫釐千里。則藥之利人。判然明矣。如補藥之用製熟者。欲得其醇厚。所以成其資助之功。瀉藥製熟者。欲去其悍烈。所以成其攻伐之力。用生用熟。各有其宜。實取其補瀉得中。毋損於正氣耳。豈爲悅觀美聽而已哉。何今之庸醫。專以生藥餌人。夫藥宜熟而用生。生則性烈。臟腑清純中和之氣。服之寧無損傷。故藥生則性瀉。性瀉則耗損。養正宜熟。豈可用生。又有以生

藥爲嫌。專尚炮製。稱奇。夫藥宜生而用熟。熟則其性緩。臟腑鬱滯不正之邪。服之難以驅逐。故藥熟則性緩。性緩則難攻。去邪宜生。豈可用熟。殊不知補湯宜用熟。瀉藥不嫌生。夫藥之用生。猶夫亂世之賊寇。非強兵猛將。何以成摧堅破敵之功。藥之用熟。猶夫治世之黎庶。非禮樂教化。何以成雍熙揖讓之風。故天下亂則演武。天下治則修文。醫者倣此用藥。則治病皆得其宜。庶不至悞人之疾也。噫。審諸。

識病辨症詳明金玉賦

論曰。之病。各有其症。識症之法。不可不詳。故曰。症候不明。

愚人迷路經絡不明。盲子夜行。可不慎乎。凡觀人目而無
光華神色者。定是昏朦。男子必酒色勞役。女子氣怒鬱結。
多因氣血虛損。則目疾昏花。因之而起。故宜先察部分形
色。次辨虛實陰陽。更別浮沉。當知滑澀。看形色之難。易詳
根脚之淺深。經云。陽勝陰者暴。陰勝陽者盲。虛則多淚而
痒。實則多腫而痛。此乃大意然也。夫血化爲真水。在臟腑
而爲津液。升於目而爲膏汁。得之則真水足而光明。眼目
無疾。失之則火邪盛而昏朦翳障。卽生。是以肝胆虧弱。目
始病。臟腑火盛。眼方痛。赤而且痛。火邪實。赤昏不痛。火邪
虛。故腫痛澀。而目紅紫。邪氣之實。不腫不痛。而目微紅。血

氣之虛。大眚赤者心之實。小眚赤者心之虛。眇多熱結肺之實。眇多不結肺之虛。黑花茫茫腎氣虛。冷淚紛紛腎精弱。赤膜侵睛火鬱肝。白膜侵睛金凌木。迎風極痒肝之虛。迎風刺痛肝邪實。陽虛頭風夜間暗。陰虛腦熱早晨昏。日間痛者是陽邪。夜間痛者是陰毒。肺盛兮白膜腫起。肝盛兮風輪泛高。赤絲繚亂火爲殃。班翳結成氣爲滯。氣實則痛而燥悶。氣虛則痛而惡寒。風痰濕熱恐有瞳神散大。喪明之患。耗神損腎。必主瞳神細小。昏盲之殃。眸子低陷。傷乎血胞。臚突出損乎精。左傳右兮陽邪盛。右傳左兮陰邪興。濕熱盛而目睛黃色。風熱盛而眼沿赤爛。近視乃火少。

遠視因水虛。肺液損。倒睫拳毛。肝腎邪熱。突起睛高。故
睛突出。睡者火極。氣盛。筋牽胞動者。血虛。風多。陽盛。陰虛。
赤星滿目。神勞精損。黑霧遮睛。水少。血虛。多痛。澁。頭眩。眼
轉。屬陰虛。目昏流淚。色慾傷乎腎氣。目出虛血。邪火鬱在
肝經。病後目昏。氣血未足。小兒害眼。營衛之虛。久視傷睛。
成近視。因虛濕熱。變殘風。色慾過多。成內障。七情太傷。定
昏盲。暴躁者。外多紫脉。虛滯者。內多黑花。隱隱眇疼。只爲
精虛火動。綳綳皮急。皆因筋急。氣壅。迎風淚出。分清分濁。
天行赤熱。有實有虛。目赤痛而寒熱似瘡。小便澁。乃熱結。
膀胱。腦脹痛而澁痛如針。大便閉。乃火居臟腑。三焦火盛。

口渴瘡生六腑火炎舌乾唇燥目紅似火。絲脉忌紫如虵。淚熱如湯濁水怕稠如眵。腦脹痛。此是極凶之症。連服腫。莫言輕緩之火。腦筋如拽若偏視。當慮乎昧翻之患。昧疼似擊若鶻眼。須變乎脾突之凶。鼻塞生瘡。熱鬱於腦。當和肝而瀉肺。耳鳴頭暈。火盛於水。宜滋腎以清心。嗜酒之人。濕熱薰蒸。精氣濁多。赤黃而瘀。肉貪淫之輩。血少精虛。氣血虧每黑暗以昏矇。孕中目痛。非有餘乃血氣之虧耗。產後目疾。爲不足。因榮衛之衰。虛水少。元虛或痰火。則天行赤熱。燥急風熱。並勞苦。則暴風客熱。瘀血滯而貫睛。速宜開導。血紫赤而侵瞳。輕亦喪明。臉硬睛疼。肝風熱而肝血。

少胞脹如盂。木尅土而肝火盛。黃膜上冲。雲生膜內。蓋因
火瘀邪實。赤膜下垂。火鬱絡中。故此血滯。睛疼凝脂翳生。
肥浮嫩而易長。各爲火鬱。肝胆花翳白陷。火燥絡而中低。
號爲金來尅木。雞冠蜆肉。火土燥瘀。魚子石榴血少凝滯。
胞浮如球。血不足而虛火壅。皮急紫小。膏血耗而筋膜縮。
實熱生瘡。心火熾而有癰滯。迎風赤爛。肝火盛而多淚濕。
迎風冷熱淚流。肝腎虛而精血弱。無時冷熱淚下。肝胆衰
而腎氣虛。大小背漏血水。瀉其南而補其北。白輪絲膜紅。
黃紅則熱而黃則濕。神水將枯。火逼蒸而神膏竭。睛光外
越。孤陽飛而精氣虧。視定忽動。水虛火盛。來攻擊。皮翻粘。

臉氣聚血壅風濕滯色似胭脂血熱妄侵白睛赤絲肺火
盛肝邪蒸逼氣輪藍火鬱風輪則旋瞤之起血瘀火熾則
旋瞤尖生精虧血少虛損則起坐生花竭視酒色思慮則
昏矇乾澀暴盲似祟痰火思慮并頭風赤痛如邪肝腎虧
損榮衛弱。葉花障起痰火色酒怒勞瞻螢星滿目辛燥火
痰勞酒色眼若虫行因酒慾悲思驚恐怒所傷雲翳移睛
見旗旆蠅蛇異形虛所致淫慾多而邪氣侵則膜入乎水
輪肝心熱而痛流淚則睛出乎眦外或血少而或哭泣津
液枯而目澀痛或酒慾而或食毒脾腎傷而眼赤黃風熱
邪侵眉棱骨重而痛風熱邪盛眼胞睛腫硬腫風木尅乎

脾絡故迎風卽作赤爛。血虛不潤。肌肉故無風。常作爛。赤
血少。神勞精氣衰。則瞻視昏。肝火邪有餘在心經。則痛如
針刺。五臟毒而赤膜遮睛。脾積毒而胬肉侵目。水晶障翳。
痰滯寒涼片腦所因。魚鱗形異。至斜氣結。腎凝難愈。逆順
生翳。內有瘀滯。白星亂飛。血弱精虛。火脹大頭。須分風熱。
風脹痛而熱濕淚。怕熱羞明。要辨虛實。實火燥而虛血少。
怕熱澁痛。知脾實。羞明不痛。是脾虛。目昏乃血少。腎虧多昏。
暗積年曰赤號風熱。兩目赤腫名風毒。粟瘡濕熱椒風熱。
椒瘡紅硬粟黃軟。肝經有邪。故玉翳浮睛。腎臟風熱亦羞。
明。生花聚開之障。時圓缺而時隱見。症因於痰火濕熱聚。

星之障。或國聚而或連絡。疾發於醇酒厚味。青眼膏損。皆
因火熾。瘀血貫睛。總由凝滯。故房慾煩燥。辛熱多則火炎。
神膏缺損。久視勞瞻。鬱風烟。則瘀滯赤絲脉。亂胎風。今小
兒赤爛胎毒。今小兒癰瘡。血氣滯。今星上火邪。實今障遮。
痘症多損目。濁氣來損。清和之氣。疳病亦傷睛。生源而失。
化養之源。小兒青盲。肝血虛。小兒白膜。肺氣熱。小兒雀目。
肝不足。小兒目瘡。胎污穢。青盲內障。肝風熾。二目赤腫。腦
熱。冲老幼同發。天行邪。時常害眼。心火盛。痰火并燥。熱傷
睛之本。頭風用艾炙。損目之宗。爲怒傷睛。怒傷真氣。因哭
損目。哭損神膏。酸辣食多。損目。火烟日久。傷瞳。勞瞻竭視。

能致病而損光華。過思多思。因亂真而傷神志。目中障色不正。急宜早治。眼內神水將枯。速請早醫。原夫目之害者。起於微。睛之損者。由於漸。欲無大患。防制其微。大抵紅障。凹凸怕如血積肉堆。白障難除。喜似水清脂嫩。瞳神虧損。有藥難醫。輪廓破傷。無方可救。外障珠不損。何必多憂。內障瞳雖在。其實可畏。勿以障薄而爲喜。勿以翳厚而爲憂。與其薄而沉堅。不若厚而浮嫩。紅者畏紫筋如線。白者怕光滑如磁。故沉澁光滑者。醫必難愈。輕浮脆嫩者。治必易除。顏色不正。詳經絡之合病。併病。形狀稀奇。別輪廓之或尅。或生翳。有正形。風無定體。血實亦痛。血虛亦痛。須當細

辨病來亦痒。病去亦痒。決要參詳識經絡之通塞辨形勢之進退當補當瀉。或止或行。內王外霸。既了然於胸中。攻守常劫其無誤於指下。知病症之虛實陰陽。熟藥性之溫涼寒熱。症的治疗。百發百中。惟宜藥代刀針。未可輕爲切割。妙道更入乎神化關節于茲。而備陳且當熟讀而深詳。宜潛思而博覽。則症之微甚皆爲子識。目之安危盡係於君矣。各曰散金碎玉。不亦宜乎。

內外之障論

醫門一十三科。惟眼科最難。而常人無不易之也。豈惟常人易之。卽專是科者亦易之也。由於道理不明。究心不到。

或不知儒書或暗于醫學。甚至有一字不諳者。或得一方。及得一法。試之稍驗。輒自誇耀。以爲眼科無出其右。便出治人。而世之愚夫。蒙其害者。屢屢亦各不自知也。若兩人者是誠以管窺天。所見者不廣也。然自古迄今。軒岐之後。明醫世出。如傷寒則有張長沙。雜症則有李東垣。治火則有劉河間。補陰則有朱丹溪。四家之外。名手甚多。然于雜病。則靡不著論立方。以傳後世。以開來學。故後之學者。有所依歸。是以察脉驗症。卽論視病。按方用藥。苟用之當。靡不通神。乘時奮發。馳名遐邇。皆賴古人所定之方耳。惟眼科豈獨今人見易。吾意張李朱劉亦畧于是。皆未見其精。

詳垂論焉。使後世無所本也。但云血少也。神勞也。腎虛也。風熱也。苟執是四者而治。其不陷于一偏者亦鮮矣。且夫內障之症。不紅不紫。非痛非癢。惟覺昏朦。有如薄紗籠者。有如霧露中者。有如見黑花者。有如見蠅飛者。有如見蛛懸者。有眉稜骨痛者。有頭旋眼黑者。皆爲內障。障者遮也。如物遮隔。故云障也。內外障者。一百零八症之總名也。其外障者。乃睛外爲雲翳所遮。故云外障。然外障可治者。有下手處也。內障難治者。外不見症。無下手處也。且內障之人。二目光明。同于無病者。最難分別。惟目珠不動。微可辨耳。先賢俱言腦脂下垂。遮隔瞳神。故爾失明。惟有金針可

以撓之。墜其翳膜于下。能使頃刻復明。予因深思。眼乃五臟六腑之精華。上注于目而爲明。如屋之有天。愈也皆從肝膽發源。內有脉道孔竅。上通于目而爲光明。如地中泉脉流通。一有瘀塞。則水不通矣。夫目屬肝。肝主怒。怒則火動。痰生。痰火阻隔肝膽脉道。則通光之竅遂蔽。是以二目昏矇如烟如霧。目一昏花。愈生鬱悶。故云久病生鬱。久鬱生病。今之治者。不達此理。俱執一偏之論。惟言肝腎之虛。止以補肝補腎之劑投之。其肝膽脉道之邪氣一得其補。愈盛愈蔽。致日日昏。藥之無效。良由通光脉道之瘀塞耳。余故譬之井泉。脉道塞而水不流。同一理也。如執定以爲

肝腎之虛。余思再無甚于勞瘵者。人雖將危。亦能辨察秋毫。由此推之。因知肝腎無邪。則目決不病。專是科者。必究其肝腎果無邪而虛耶。則以補劑投之。倘正氣虛而邪氣有餘。必先驅其邪氣。而後補其正氣。斯無助邪害正之弊。則內障雖云難治。亦可以少盡病情矣。至于外障。必據五輪而驗症。方知五臟之虛實。而五臟之中。惟腎水神光。深居于中。最靈最貴。辨析萬物。明察秋毫。但一腎水而配五臟之火。是火大有餘。水甚不足。腎水再虛。諸火益熾。因而爲雲爲翳。爲攀睛。爲癢肉。然此症雖重。尚可下手施治。非如內障之無可下手也。但今之業是科者。煎劑多用寒涼。

以伐火暫圖取効。點藥皆用砒礪以取翳。只顧目前。予觀二者皆非適中之治。亦非仁術之所宜也。故治火雖云苦寒。能拆如專用寒涼。不得其當。則胃氣受傷。失其溫養之道。是以日久病而不愈也。至于藥之峻利。夫豈知眼乃至清至虛之府。以酷烈之藥攻之。翳雖卽去。日後有無窮之遺害焉。良可慨也。予業岐黃。朝夕承先大人庭訓。附以管見。遂忘固陋。訂製煎劑點藥。雖非適中之治。然亦不越于規矩準繩之外也。所用煎劑。惟以寬中開鬱。順氣消痰。滋陰降火。補腎疏風爲主。點藥專以去翳明目爲先。然點藥惟用氣而不用質。去翳雖不神速。決無後患。其製藥之玄。

妙誠非世俗所得知也。但藥得千家傳。兼以苦心思索有年。幸得其妙。至于目疾危急。萬不得已。間用砒礪亦必用藥監製其毒。分兩之中。十用其一。毫不敢多也。此予治人之目。必抱兢業之心。至病目者。愈當小心禁戒。卽如勞視酒色忿怒諸事。並宜捐棄。否則目愈之後。不能久視。久視則目珠隱隱作痛。日後決傷干目。是以勞神諸事俱宜忌也。蓋心藏乎神。運光于目。凡讀書作字。與夫婦女描刺匠作雕刻。凡此皆以目不轉睛而視。又必留心內營。心主火。內營不息。則心火動。心火一動。則眼珠隱隱作痛。諸疾之所由起也。且人未有不虧腎者。夫腎屬水。水能尅火。若腎

無虧則水能上升可以制火水上升火下降是爲水火既濟故雖神勞元氣充足亦無大害惟腎水虧弱之人恐難以調治若再加以勞神水不上升此目之所以終見損也今吾輩治目務宜先審其邪正之虛實當首驅其有餘之邪氣而後補其不足之正氣治斯當而病斯愈矣此治目之次第至于臨症圓機神而明之又在乎人專是業者宜究心焉

傅氏眼科審視瑤函卷之一終